

803 2

[


MG
k820.6
4)

1052

粵漢鐵路抗戰殉職
員工追悼會紀念冊

陳誠題

廿八·十·廿一



啓

事

此次爲本路抗戰殉職員工舉行追悼辱荷

各機關長官 各團體 各鐵路及本路同人惠賜輓章開會之日又蒙遠
道蒞臨曷勝感幸謹此申謝諸希

鑒察

粵漢鐵路抗戰殉職員工追悼會籌備處謹啓廿八、十、廿四

追悼

粵漢鐵路抗戰殉職員工

英靈永在

中國國民黨中央執行委員會

精神不死

陳誠題

求仁得仁

俞飛鵬題

粵漢鐵路員工九十三烈士

千古

寇起東鄰	禍延中國	烽烟滿目	山河異色
粵漢路長	溝通南北	車聲鑼鑼	奔馳如織
嗟我衆士	同心一德	不避修阻	不違日昃
同車共載	疲筋盡力	壯往何悔	惟殫厥職
昊天不弔	身命不測	前車雖覆	來軫靡息
九十三人	心安理得	人誰不死	千秋於式
嶺雲高攀	漢水遙拭	烈魄長留	浩氣充塞
風拂旛動	衡陽江側	魂來楓青	魂返關黑
寇饑鬼殘	我戰終克	十萬磨劍	芟夷荆棘
誓心天地	吐君胸臆	握管搗辭	悽慘曷極

第四戰區代司令長官張發奎拜輓

鐵血忠魂

薛岳題

浩氣長存

全國抗戰慰勞總會輓

炳耀千秋

商震題

爲國犧牲

吳逸志題

同軌遺型

楊承訓題

黨國忠魂

津浦鐵路工會

成仁取義

湖南省人民動員委員會
衡陽縣抗敵後援會

精神永存

平漢鐵路工會

三

蔚爲國魂

粵漢鐵路特別黨部輓

爲國捐軀

第九戰區長官司
令部戰地服務團輓

英靈常在

粵漢鐵路總稽核辦公處輓

忠肝義膽

路向小學敬輓

粵漢鐵路員工爲國捐軀功同
殺敵飛芻挽粟旣萬里而無窮
取義成仁將永垂諸不朽追懷
壯烈曷旣悼忱


朱暉日題

忠義可風

本路工務第六分段敬輓

粵漢鐵路抗戰殉職員工追悼會紀念冊

弔本路抗戰殉職員工



於乎！人壽百年，速如轉轂，沒世不稱，行尸走肉。是故勇士無忘喪元，壯夫恥受陵辱，蹈九死以弗辭，苟全生而勿欲。蓋取義成仁，小我宜爲大我，英生靈死，家哭何如路哭？彼豈好惡之異趣？實亦信心之有屬！孔子曰：死生亦大矣，馬遷曰：死有重於泰山，有輕於鴻毛，余每誦斯文，未嘗不撫膺太息扼腕咨嗟而三復。

本路數省橫貫，千里紆徐，輪軌銜接，堂奧長驅，文化則溝通南北，經濟則調劑盈虛，輔政令以統和，作國防之筭樞。是其平時之任務，已既煩重而紛拏。洎乎抗戰軍興，疆場角逐，連兵給械，挽粟飛芻；舉凡國際貿易之吐納，民生日用之供需，傷病老弱之疏散，機器工業之內輸，幾何不經由是路以關整，而有賴乎吾人之勤劬？

惟是使命愈加繁鉅，敵虜愈相侵侮；空襲轟炸，靡間昏時；南粵北漢，橫衝直取，

而我同仁奮濺烟，冒彈雨，揮血汗，忘寒暑，迅雷震懼而不聞，秦岱崩裂如無覩，赴戎機於瞬息，理庶事之旁午，或則肝腦塗地，或則身首異處，或積勞而殞厥生，或因公而殉所主，但懷夫屈服之羞辱，曾不以艱危而消沮：抑何其勇且壯乎！

夫死於職猶死於戰，見其忠更見其武，勛在國家，績侔行伍，振叔世之綱維，作中流之砥柱，既仁至而義盡，斯形滅而名著，可謂捐七尺以殉三民，易百歲而爲千古矣。

余於諸君，誼切同舟，事仗夾輔，自念早經憂患已悲先衰，詎意遭逢板蕩竟慚後俎。聞鶴唳之寂寥，感雞鳴於風雨。招魂此日，尋骨何所？紀念有文，羊神安睹？宅荒塵障，霜封宿草之根，木落山空，月照寒楓之樹。雖曰功烈懋昭，爭說大名之不朽，然而雍露興悲，孰識余心之良苦也哉。

民國二十八年十月二十一日

成仁取義

本路工務第十分段同人敬輓

成仁與成功

劉鍾明

——寫在本路抗戰殉職員工追悼會紀念冊前——

不成功便成仁，是每一個革命鬥士所必具的信條。從字的表面上看，二者多少似涵有相對的意味，而我却總覺得：成功者雖然不必成仁——死於所事，而成仁者在某種意義上都可以同時說是成了功。

此次中日事變，是我中華民族逼處生死存亡最後關頭為爭取自由獨立完成國民革命不得不挺而對倭應戰的革命戰爭。革命戰爭的特質是在於精神制勝，與普通國際戰爭勝負決定完全視乎物質武力的迥然不同。精神之為物，雖然無聲無臭，實則至大至剛；雖然通常以之別於實際行動，而離却實際行動，即末由有所顯現。我國全部的歷史，實在就是以求生為中心的中華民族精神具體活躍的紀錄，所謂國於天地必有與立，我中華民族屢遭外族侵陵，雖受其統治垂數百年而仍能光復舊物，宏我漢京，不惟不至滅亡，翻使侵略者慕風向化，聲威遠播，最大原因，即由一般忠孝義烈特立獨行的人士，以汗血寫成許許多多可歌可泣的悲壯故事，激宕感召，無形中為國家造成了銅牆鐵壁牢不可破的精神堡壘。這種堡壘，是敵人的任何物質和武力所不能撼動的，這才是我們立國建國的

救國興國的真正根本據點。尤其在革命戰爭中，必須建立起這種堡壘，然後才可以立於不敗的地步。

本路在抗戰二年又三個月的期間，同人以忠勇供職直接遭敵戕害爲國捐軀的達百人以上。他們生前的努力，已使我縣長千餘公里的重要國防鐵路交通在敵人嚴重破壞騷擾之下沒有間斷，益如星火之軍事運輸沒有貽誤，而他們壯烈的死，更足以動天地而泣鬼神，使頑夫廉懦夫有立志；易言之，即是我們殉職的同人，已經做了精神堡壘的建造者，爲此次抗戰獲得了勝利的保證，爲國族永存奠定了不拔的基礎：他們是成了仁，同時又曷嘗不是成了功？

在革命戰爭中，革命者，不分成功與成仁，總是勝利的——勝利即是成功。我粵漢鐵路抗戰殉職諸同人，在中華民族革命史上都可以說是不朽的偉大功臣。各方對他們的諒誦很多，本人雅不願多所贅頌，特就成仁同時期成功的一點，寫出個人的感想，聊以代序，既所以勵生人之氣，而死者有知，泉下也或者由此種意義得到更多的一些安慰。

民國二十八年十月十九日

祭文

(一)

維中華民國二十八年十月二十一日，粵漢鐵路管理局局長陳延炯，率全體員工，謹以香花清酌，致祭於本路抗戰殉職諸烈士之靈曰：嗚呼！造物不仁，世亂迭興，茫茫浩劫，天地晦冥，此乾坤何等時也！惟仁人君子而能犧牲小我以保全大我，蒙犯大難以求成大功，甘死如飴，嗚呼烈已！溯抗戰之初起也，本路爲後方唯一之交通線，敵人思所以破壞之中斷之者，殆百出其奇謀詭計，幸賴諸烈士對於職務，昕夕勤勞，酷暑祁寒，鮮有寧處，即遇艱屯，亦威能本其平日奮鬥之精神，向前邁進，知有國而不知有家，知有路而不知有身，故卒能使本路交通無一日之間斷，裨益抗戰前途，實非淺鮮，洵爲黨國之寶，本路之光。胡昊天不弔，降此鞠凶，竟使諸烈士棄棄國棄本路而長逝耶！嗚呼痛哉！余來粵漢，歲律再更，此兩年中，殆無時不與諸同仁出入轟炸之中，未嘗有一日之安，今者湘贛告捷，勝利可期，而諸烈士已不及見矣。嗚呼痛哉！雖然，人誰無死？貴得其所，是故同乎萬物生死而復歸於無物者，暫聚之形，不與萬物共盡而卓然其不朽者，後世之名。他日遠矢告廟，飲至策勳，孰不歸美於諸烈士澈底之犧牲？是可悲者一時，而馨香薦享者無窮期矣。嗚呼，哀哉！尙饗！

(一)

維中華民國二十八年十月二十一日，中國國民黨粵漢鐵路特別黨部執行委員會主任委員劉鍾明率全體同志，謹以香花清酌之奠，致祭於本路抗戰殉職諸烈士之靈曰：於戲！寇倭未殲，國難猶殷，而我英勇勤勞之九九同人，竟覺志懷忠，由是而一瞑不視耶？豈不哀哉！念平日之相與，憶笑語之慇懃，對遺族兮覺獨，望酒醴兮空陳，雖在行路，猶將歔歔流涕而不能自禁，矧乎吾道同志合，甘苦分嘗，多年共事之同寅？當夫寇機之來襲也，鐵翼蔽空，轟聲雷震，血肉迸飛之苦，肝腦塗地之慘，我同人寧未計及，然而曾不為禍福而置慮，不以存沒而縈心，豈非甘死如飴，早具成仁取義之素志，而犧牲奮鬥，一本乎總理總裁訓示之殷殷！夫兩軍鏖戰，最重轉運，一時饋給之或愆，全局勝負之所因，是故敵鋒迭摧，國威遠播，不數淮陰之勇，首錄蕭何之助；是我同人之所貢獻於抗戰者，已足以焜耀乎當世，而垂芳於萬禩。至乎臨危不避，受命無辭，正氣爲之充瀾，綱維爲之不振，是其死者厥爲形骸，而不死者在乎精神！於戲！乾坤反覆，宇宙黯昏，國運不滅，惟繫斯人！汗簡銘功，青石勸勛，聊獻卮酒，來格來歆。尚饗！

(二)

維中華民國二十八年十月下浣之一日，粵漢綏區司令周武彝率全體同人，謹以香花供

果不膽之儀，致祭於本路抗敵殉職諸先烈之靈位前曰：於戲，浩浩乎鐵路綿延，黯黯乎迴雁峯前，今日何日兮，集同志於靈壇，灑涕臨風兮，摧大衆之心肝。葦爾島夷兮，掀起東海狂瀾，維吾先烈兮，撐持粵漢難關。敵機頻襲兮，大肆投彈，冒烽搶險兮，奮勇爭先，肝腦塗地兮，明素志於青天，血肉橫飛兮，痛妻孥之單寒。公而忘私兮靈不滅，國而忘家兮氣壯烈，動天地兮泣鬼神，耀河山兮生顏色。爰整貔貅兮追寇蹤，應陳靈靈兮饒仇血。忍對荒江兮弔逝波，招諸毅魄兮其來格。於戲哀哉。尙饗。

(四)

維中華民國二十八年十月三十一日，駐路警察署署長史銘副署長梁澄楷，謹以清酒香花，致祭於粵漢鐵路抗戰殉職員工兵警之靈而告之曰。嗚呼，諸君志事航航，見危授命，有勇知方，職守所在，努力輸將，驚烽毒彈，躬冒創傷，軍儲百萬，綰繹且長，凡所徵調，無價沙塲。緬維粵漢，國際梯航，敵圖我亟，猛襲若狂，飛狐下瞰，鐵鳥高翔，巨彈如雷，火燄煌煌，物無堅鉅，橫被殺傷，一警飛傳，面沮神僵。嗟君壯烈，歷險彌剛，重任一身，非常如常，上有飛鏑，下有剛腸，血染朱輪，骨碎道旁，殉我職務，蔚爲國殤。凶耗傳聞，淚眼萬行，家失令子，國奪才良。此身永訣，此志彌昌，與君久要，勦力鄉邦，鍛羽之勳，如何能忘。何以報君？洗甲扶桑。衡岳峨峨，湘水泱泱，良辰重九，秋菊吐芳。酬君寒泉，遙薦馨香，魂兮有知，來格來嘗。嗚呼哀哉。尙饗。

(五)

一一

維中華民國二十八年十月二十一日粵漢鐵路工會，謹供香花，致祭於本路殉職員工諸烈士之靈曰：嗟彼倭寇，如豺如狼，戕吾胞與，裂吾封疆。蘆橋溝畔，抗戰斯張。民族自由之出路，世界正義之揚揚。責任艱鉅，當仁不讓。維我員工，職司輸將，指臂軍運，脈絡輜糧。荷彈勇士，扶輪猛將，有相同焉，未可頡頑。嗚呼！昊天不弔，挫我英銳，大業待竟，賚志以亡。能不歎噓，環顧百氓。後死矜式，遺澤之長。英靈來臨，懾彼海寇。星沙之野，汨水之陽，用告先烈，莞爾在上。嗚呼哀哉。尙饗。

爲
國
犧
牲

本路工務第九分段同人敬輓

粵漢鐵路抗戰殉職員工銜名表

號次	姓名	職	稱	年歲	籍貫	殉職年月	死事地點
一	陳寶章	警署三分所所長		三三	四川	二十六年九月廿七日	廣南站
二	周聲德	上等兵	兵	三二	湖南平江	二十六年十月六日	曲江站
三	伍江	驗車	匠	三三	廣東	二十六年十月六日	曲江站
四	溫發	炊事	警	二十	廣東	二十六年十月廿二日	警五分段
五	潘廣	轉轍	夫	五四	廣東	二十六年十月廿四日	連江口站
六	許仲愷	司事	生	二五	江蘇	二十六年十一月十三日	衡陽車房
七	駱坪	臨時卸煤夫	夫			二十六年十一月十三日	樂昌
八	馮士祺	司爐	爐	二七	湖北	二十六年十一月廿四日	新河車房

一九	張茂才	澄平輪水手	三七	山東	二十七年三月廿七日	碼頭
一八	秦玉山	更夫	五〇	湖北	二十七年三月廿七日	武東廠
一七	鄭海玉	鐵匠	三五	河南	二十七年二月九日	新河車房
一六	孟繼貴	看橋夫	三一	河南	二十七年一月廿五日	豫河橋
一五	陳洪時	站夫	四二	湖南醴陵	二十六年十二月廿七日	長沙東站
一四	梁益	伙夫	二一	廣東	二十六年十二月二日	1021附近
一三	原崧	小工	五五	廣東	二十六年十一月廿四日	工三分段
一二	陳梓芬	長東站裝卸夫			二十六年十一月	長沙東站
一一	楊包新	運三段電信二隊臨時小工			二十六年十一月	公坪墟
一〇	李日僖	運三段電信二隊臨時小工			二十六年十一月	公坪墟
九	劉仕秋	運三段電信二隊臨時小工			二十六年十一月	公坪墟

二〇	劉順卿	材	料	夫	二九	湖	南	二十七年三月廿七日	武	東
二一	陳東和	信		差	二四	湖	南	二十七年三月廿七日	徐	家
二二	慕鳳文	鍋	爐	匠	三七	河	北	二十七年三月廿七日	武	昌
二三	楊經華	木		匠	四七	山	東	二十七年三月廿七日	武	昌
二四	王秀山	隊		兵	三三	山	東	二十七年三月廿七日	武	昌
二五	王光富	工		匠	三九	山	東	二十七年四月二日	廣	州
二六	蘇	小		工				二十七年四月二日	廣	州
二七	黃廣富	運	五	段				二十七年四月二日	廣	州
二八	蘇	始	運	五				二十七年四月二日	廣	州
二九	張明和	廣	州	北				二十七年四月二日	廣	州
三〇	潘兆熊	幫	修	車				二十七年五月六日	曲	江

三一	主存柱	驗	車	匠	三四	河北灤縣	二十七年五月廿八日	廣南車房
三二	王鼎	警		長	二一	廣東	二十七年六月三日	警六分段
三三	張麟	警		長	三六	廣東肇慶	二十七年六月廿二日	廣州南站
三四	譚福生	洗爐	夫	目	四六	湖南	二十七年七月廿二日	新河車房
三五	雷明	炊	事	警	三一	廣東	二十七年七月廿三日	曲江
三六	張玉山	司		機	四九	河北臨榆	二十七年七月廿七日	岳陽站
三七	陸再卿	站		夫	五四	江蘇吳皋	二十七年七月廿七日	岳陽站
三八	柳興發	司	軌	夫	四三	湖北光山	二十七年七月廿七日	武昌東站
三九	胡六	隊		兵	二八	湖北	二十七年八月十一日	武昌東站
四〇	盧文峻	幫	機	器	二四	江西臨江	二十七年八月十二日	武昌機廠
四一	張陸甫	鑲配	匠	副領班	五二	河北天津	二十七年八月十二日	武昌機廠

五二	五一	五〇	四九	四八	四七	四六	四五	四四	四三	四二
徐靜山	趙德瑞	陳子俊	吳方近	潘行安	喻才春	楊漢金	郭厚茂	余勝卿	易文清	張舟
工三段臨時工人	貨物夫	侍役	車僮	長工	長工	司爐	修車匠	修車匠	鑲配匠	電機匠
二六	四二		二一	四八	三〇	二四	四五	三二	三四	四四
河南	河南		湖北	湖北黃岡	湖北黃陂	湖北黃陂	湖北襄陽	湖北宜昌	湖北襄陽	河北天津
二十七年九月五日	二十七年八月十六日	二十七年八月十二日	二十七年八月十七日	二十七年八月十二日	二十七年八月十二日	二十七年八月十二日	二十七年八月十二日	二十七年八月十二日	二十七年八月十二日	二十七年八月十二日
岳陽車房	鮎魚套	徐家棚	徐家棚	武昌東站	武昌機廠	武昌東站	武昌機廠	武昌機廠	武昌機廠	武昌機廠

六三	六二	六一	六〇	五九	五八	五七	五六	五五	五四	五三
羅會銘	王俊亭	潘雲卿	曹喬賢	羅景耀	鄧錦文	賈貴	張建瓜	陳甲甫	趙雲亭	姜太華
警	司	臨	臨	站	站	澆	道	站	司	臨
士	輒	時	時	夫	夫	油	房	夫	爐	時
二〇	三六	小	線	工	工	夫	工	人	工	人
廣東	江蘇	工	工	一八	二〇	三九	一八	三八	三五	二八
廣	江			廣東新會	廣東中山	河北順義	湖南醴陵	湖北鄂城	河北灤縣	湖南
東	蘇			十月十五日	十月十五日	九月廿八日	九月廿六日	九月廿五日	九月廿四日	九月九日
十月十六日	十月十六日	十月十五日	十月十五日	十月十五日	十月十五日	九月廿八日	九月廿六日	九月廿五日	九月廿四日	九月九日
廣南	株洲	河頭	河頭	河頭	河頭	臨湘	蒲	山	山	工三分段
站	站	站	站	站	站	站	第1號折	坡	坡	段

六四	李增福	司	輟	夫	四四	河	北	二十七年十月十七日	榛洲站
六五	黃敬秋	臨時	僱	工				二十七年十月十七日	株洲
六六	何志忠	司		爐	三二	河北	豐潤	二十七年十月十八日	郴縣
六七	李福德	盛		工		河北	豐潤	二十七年十月二十日	白石渡站
六八	劉啓才	工		人	四四	河	南	二十七年十月廿二日	武昌東站
六九	王 顯	工		人	二九	河	南	二十七年十月廿二日	武昌東站
七〇	魯子剛	武昌醫院	公	役	三四	江西	修水	二十七年十月廿二日	武東站
七一	杜邦池	工	一	段	二四	湖	北	二十七年十月廿二日	武昌東站
七二	惠阿根	鐵		匠	三六	安	徽	二十七年十月廿二日	徐家棚
七三	黃沃倫	轉	轍	夫	四一	廣	東	二十七年十月廿三日	英德站
七四	邱柏葵	臨時機器	匠	長	二九	湖	北	二十七年十月廿四日	紙坊站

八五	八四	八三	八二	八一	八〇	七九	七八	七七	七六	七五
任有信	李威	蕭俊	張世權	萬吉安	張宗傑	李明光	朱全	胡連堂	張勤初	張雲清
工	煤	工	管	公	站	臨	工	站	飛	工
人	夫	人	員	夫	長	人	人	夫	人	目
三八		三一	三五	三十	三二		五四	三三		三四
湖		河	浙	湖	江		廣	湖		河
南		北	江	北	蘇		東	南		北
十一月廿七日	二十七年十一月廿三日	二十七年十一月廿二日	二十七年十一月十一日	二十七年十一月九日	二十七年十一月六日	二十七年十一月四日	二十七年十一月廿九日	二十七年十月廿五日	二十七年十月廿四日	二十七年十月廿四日
工三分段 54號道班	曲江站	工三分段 50號道班	桃林寺站	衡陽飛機 場附近	烏石站	城陵磯	河頭站	紙坊站	破塘口	破口塘

八六	陳達初	司	事	二二	廣東中山	二十七年一月一日	樂度所
八七	裴鳳林	司	爐	三五		二十七年一月一日	樂昌
八八	黎育劭	代理	事務員	二八	廣東	二十七年一月一日	樂昌
八九	麥性昌	司	報	四五	廣東高要	二十七年四月一日	舊橫石站
九〇	梁享年	司	報	四九	廣東南海	二十七年十月廿九日	曲江站
九一	汪福	粵利輪機長石圍塘工分會幹事		二八	廣東番禺	二十七年一月一日	驛崗
九二	顏基	鑲配	匠	三六	廣東南海	二十七年一月一日	獅山
九三	黎璽	鑲配	匠	二五	廣東三水	二十七年一月一日	三水縣
九四	徐惠奎	機	匠	三〇	江蘇南漕	二十八年一月十二日	衡陽
九五	曹文華	道房	工人	三〇	河南光山	二十八年一月一日	五十三號道房附近
九六	黃永久	調充爆破隊工人		二六	河南	二十八年一月十五日	汀泗橋

九七	張大生	調	車	夫	二八	湖	南	二 十八 年 九 月 廿 九 日	七 斗 北
九八	王洪洪	車		長	三六	江蘇	江浦	二 十八 年 九 月 廿 九 日	七 斗 北
九九	孫春山	司		機	四二	河	北	二 十八 年 九 月 廿 九 日	七 斗 北
一〇〇	嚴崇彝	工務	六分段	段長	三一	廣東	文昌	二 十八 年 九 月 三 十 日	七 斗 北

成 仁 取 義

來陽站同人敬輓

粵漢鐵路抗戰殉職員工事略

陳寶章

陳寶章，四川涇縣人，幼羸異，有神童之目。及束髮受書，即明大義，具革命思想。嘗以忠誠報國自勗勉。嘗袁氏稱帝，日本迫立二十一條，若時年才弱冠，奮然起曰：「事急矣，大丈夫當效命疆場，安可老死牖下。」乃投筆入川軍，積功擢升連營長等職。其治軍嚴明忠恕，故官兵皆愛戴，樂爲之死。二十五年，川軍奉命縮編，乃入中央軍校成都分校受訓。畢業後由前鐵道隊警總局分發本路警務第二段實習，以成績優異，保委爲第六分段第三分駐所所長。二十六年九月二十七日上午八時，敵機狂炸廣州南站，若率長警，執行警戒，爲彈片傷頭部致死，爲本路員工殉職之第一人。遺子女各一人，夫人口嘉懿，現居四川安縣。

周聲德

周聲德年三十二歲，湖南平江人。曲江車站司令辦公處上等兵。二十六年十月六日敵機轟炸曲江，君以公務爲重，傳遞命令，奮不顧身，竟遭炸斃。

溫 發

溫發，廣東人，年二十，二十六年八月補充五段一分所炊事警，到路服務約一月，於二十六年九月二十二日，敵機轟炸曲江站，被炸殉職。

原 崧

原崧，廣東人，年五十五歲。充第88號道班工人。二十六年十一月二十四日，在沙口車站工作，被敵機轟炸，登時斃命。

梁 溢

梁溢，廣東清遠人，年四十六歲。充第88號道房伙夫。於二十六年十一月二十八日，在1021公里工作，遭遇空襲，被炸傷左手，延至十二月二日身故。

孟 繼 貴

孟繼貴，河南南陽縣人。家貧，未及求學。前在本路鄂湘段，任小工有年，株韶段新工完成，以其體力健強，品性忠實，調充滌口橋看橋夫。忠勤所事，從無貽誤。抗戰事起，日寇圖破壞本路，不惜百計以赴之。二十六年十月十八日，敵機轟炸滌口橋，時適有

軍事列車，由南開來，君以該列車如繼續前進，必遭敵機炸毀，乃於危急萬分之際，不以個人生命爲重，兀立橋頭，發施危急信號，該軍事列車遂得退回安全地帶，而君竟即於是時遭受炸傷，延至二十七年一月十五日殉職。臨危不避，履險不辭，鎮定從容，以死勤事，若孟君者，可以永世垂範矣。

王秀山

王秀山，原籍山東，年二十三，先充膠濟路第八分段警士，抗戰發生後，膠濟路淪陷，即隨段撤退，來本路協防。於二十七年一月調補本路一分段警士。二十七年三月二十七日，敵機二十餘架轟炸徐家棚及本路機廠，君於值崗機廠時被炸殉職。

王鼎

王鼎，年二十一，廣東儋縣人。性剛直，聰穎好學，家貧不能供膏火，高小畢業，即輟學。少長，見國家多難，外患頻仍，乃毅然投筆考入陸軍警衛旅學兵教導隊，畢業後充儋縣警衛隊分隊長。旋於二十六年一月投入本路第六分段二分所充二級警長，勤奮過儕輩。抗戰軍興，尤不避艱險，矢慎矢勤，爲長官所愛重。二十七年六月三日，奉派赴廣州地方法院緝辦要案，經海珠橋，遇敵機來襲，被炸墮水殉職。君父母俱存，未娶，沒後，立其兄之子爲嗣。

張麟

張麟，年三十六，廣東肇慶人。家貧，爲人熱心公益，任俠好義，甫弱冠，見國家多故，憤入戎行。歷充粵軍第二師班長。十六年三月投入粵漢鐵路前南段警務課充三級警長，二十五年十二月粵漢路改組，三段歸併，路政統一，君以勤能擢任一級警長。二十七年六月二十一日上午六時，敵機襲廣南站北端如意坊，君適任巡邏至此，見機車停置甚多，恐警力單薄，警戒難周，爲漢奸所毀，遂留此守護不去，爲彈片擊傷頭部致死。君父母俱寡，妻梅氏，子二人。

雷明

雷明，廣東人，年三十一。二十二年十月到路，充炊事警。歷職四載餘，於二十七年七月二十三日晨赴市購菜，遇敵機來襲，在關帝廟被炸殉職。

胡六

胡六，湖北人，年二十八。二十五年七月，到路充護路中隊隊兵，派在武昌總站服勤。二十七年八月十一日敵機轟炸該站，君不幸殉職。

徐靜山

徐靜山，務第三分段臨時工。於二十七年九月五日，在岳陽車站，被敵機炸斃。

姜太華

姜太華，湖南人年二十八歲。工務第三分段臨時工人。於二十七年九月五日，在岳陽車站被敵機炸傷，送往後方醫院療治。於九月九日因傷重身故。

張建瓜

張建瓜，醴陵人年十九。充第四十一號道房工人。於二十七年九月二十六日，在蒲圻大橋北端工作，因走避不及，被敵機炸斃，手足異處，其狀甚慘。

羅會銘

羅會銘，廣東人，年二十。二十七年四月，投充本署第六分段第二分駐所警士。服務四閱月，勤慎無懈。於二十七年十月十六日午後十二時許，因在南段路局後，担任防空監視哨，被敵機轟炸殉職。

李福德

李福德，河北豐潤人，年四十五歲。充工務第九分段監工。於二十七年十月十九日，在白石渡車站照料裝運方木至柳，忽敵機突襲，不及遠避，即伏於路堤下溝內，一彈適投附近，致頭部受傷，當即斃命。

劉啓才

劉啓才，河南人，年四十五歲，充第一分段搖車夫。於二十七年十月二十二日，在武東東園十一號辦公時，適遇敵機羣襲，走避屋後防空壕內，不料該壕附近落彈，受震坍塌，事後挖掘救護已被壓死。

王順

王順，河南人，年三十歲。充第一總段搖車夫。殉難事蹟同前，但尸身埋在壕內，竟未能挖出。

杜邦池

杜邦池，湖北鄂城人，年二十四歲。充第一分段工役。於二十七年十月二十二日，在武

昌東園，因遇空襲，走避在十一號屋後防空壕內，不料該壕受震坍塌，致被壓斃。

惠阿根

惠阿根，安徽人，年三十六歲。充第一分段鐵匠。於二十七年十月二十二日，在武東鐵廠，被敵機炸死。

張雲清

張雲清，河北人，年三十五歲。充十四號飛班工目。於二十七年十月二十四日，在破塘口大橋工作時，被敵機炸翻泥土壓悶而死。

張勤初

張勤初，充第四分段臨時飛班工人。於二十七年十月二十四日，在破塘口工作忽被敵機炸翻泥土掩斃。

朱全

朱全，廣東人，年五十五歲。充七十三號飛班工人。於二十七年十月十五日，在河頭車

站工作，遇敵機羣襲，致被炸傷，醫救無效，延至同月二十九日斃命。

李 明 光

李明光，工務第三分段臨時工人。於二十七年十一月四日，隨拆軌列車行抵城陵磯站，不幸值敵機來襲，當場被炸斃命。

張 宗 傑

張宗傑，江蘇太倉人，交通大學上海鐵路管理學院畢業。二十二年十一月，奉派來路服務。二十四年四月，調充烏石站站長，君學有專長，忠勤任事，深為羣僚欽服，長官倚畀。抗戰事起，敵機屢向烏石站投彈，君每於敵機侵襲時，從容調度，疏散車輛，必俟一切部署就緒，方始離站，雖敵機業已迫近亦絕不驚惶，同人恆以為危，而君輒曰：「吾國積弱已久，防空設備未周，吾人不能阻敵機之不來，只有於敵機侵襲時盡力疏散器材，減少損害，庶於保持抗戰力量方面，稍盡職責，未可以個人之安全。而有所趨避也。」故君每遇警報，必後人而退，先人而進，其忠於所事有如此者。二十七年十一月六日，敵機又竄襲該站投彈，君卒以站務未了，不肯遽離，中彈殉職，悲夫。

萬 吉 安

萬吉安，湖北黃岡人。年三十歲。充第七分段公鐵交叉看守夫。二十七年十二月九日，敵機轟炸衡陽飛機場，君即走至附近涵洞內躲避，不幸洞口落下一彈，致被炸斃，其妻亦同時遇難。

蕭 俊

蕭俊，河北玉田人，年三十四歲，原服務於北寧鐵路關外段。九一八事變後，因不甘頹顏事仇，欲棄職參加義勇軍而未果。於二十三年，間關入關，投本路工作，充羊樓司飛班。二十五年調五十號道棚工作：自以能重為祖國服務，矢勤矢勇，未嘗稍懈。復以賦性忠實篤厚，尤得首領與同儕歡。二十七年十月，武漢退守，羊樓司旋亦告陷，君乃毅然參加本路特別黨部領導之潛伏工作，破壞敵人交通，每役必先，成績卓著。同年十一月二十二日，偵悉有敵兵車南來，隨隊爆破臨湘平水舖附近路軌，致敵軍車車輛出軌傾覆，正搶運敵械之際，為敵軍汽車追至，被敵機槍射中頭胸腿各部，壯烈殉職。

任 有 信

任有信，湖南臨湘人，三十九歲。民國二十年，服務本路，充第五十四號班工人，以勤謹著稱，數年如一日。二十七年十一月初，羊樓司站隨武漢撤退而淪陷，君即於此時，

參加本路特別黨部領導之北段潛伏工作，擔任秘密破壞交通任務。顧此項工作，以潛在敵人淪陷區中，危險既多，困難尤甚，君不辭艱危，勞績昭著。同年十二月廿一日，隨隊出發破壞鐵路，於任務完成後，被敵發覺，開鎗追擊，因奔跑過劇，復以連日積勞，致傷及內部，經數度醫治罔效，於同月廿七日逝世。

曹文華

曹文華，河南光山人，現年二十歲。二十年七月，在本路三十一號道房充當工友。素行謹厚，忠實勇敢，為儕輩所稱許。當蒲咸淪陷時，未及隨路撤退，即參加本路特別黨部所領導之敵區鐵道破壞隊。工作努力，不避艱險。本年二月，被派潛往三十一號道房附近，搬取前所埋藏之鐵鍬螺絲把等件，作破壞用具，於任務完成，返隊途中，為敵哨發覺，格鬥移時，被刺殞命。壯烈犧牲，洵堪景仰。

汪福

汪福同志，在廣三機廠服務十二載，曾充黨部職員，現任石圍塘工分會幹事，於總理遺著，遍覽無遺，總裁言論，輒朗誦於口，誠足稱三民主義之忠實信徒，其爲人也，風流倜儻，其處世也，年少老成。「七七」抗戰軍興，除致力救亡工作外，更決心與敵一

拆，故毅然參加本路特別黨部所領導之潛伏工作。本年七月，在三水西南鎮率領團員，發動民衆，抗敵三晝夜，卒以彈盡援絕，在驛崗地方壯烈殉國。最後一刻，尙能斃敵三名，求仁得仁，想君亦可以瞑目也。（陳文達撰）

顏 基

顏基同志，粵之南海寶南鄉人，年三十六歲，廣三分機廠鑲配匠，本路七區黨部二區分部之候補委員。已結婚且生子矣。清共之役，血染廣三，君効力獨多，曾偕何兆華同志在三眼橋地方，與異動者相持一晝夜，卒將之擊退，恢復交通。去年十月中旬，廣州危急，君背駁亮槍，懷手溜彈，連夕梭巡。某軍官因登車爭執，放槍示威，君突於背後撲之，解保安隊，其勇敢如此。該線陷後，君在南海抗日自衛團高鼎榮部充隊員，探悉獅山小杭鄉之電杆搶有洋油鋼綫及軍用品等甚多欲售與敵人牟利，君即偕兩同志，改裝探入虎穴，詎與漢奸談論間，遭彼生疑，乃露械殺數奸，卒以衆寡不敵殉國。（陳文達撰）

黎 煜

黎煜同志，粵之三水大良鄉人，年才二十五，廣三分機廠鑲配匠，爲本路七區黨部四分部之黨員父黎元，乃廣三分機廠之工目，在本路服務有年，對本黨主義信仰甚深，廣三

清共之役，亦曾參與，亦抗日自衛團之小隊長也。廣州失陷，君即偕大良鄉長公盧敏，發動民衆，與汪福同志聯絡，担任破壞工作，與敵相持於西南附近，賊敵甚夥，詎於敵炮轟擊時，爲彈所中，遂先汪福同志而成仁。（陳文達撰）

黃永久

黃永久，河南人，年二十五歲。原充第五號飛班工人，後因受訓關係，調爆破隊工作。於二十七年十月下旬，在汀泗橋被炸傷腿部，延至二十八年二月十五日殞命。

嚴崇教

嚴崇教，廣東瓊崖人。年三十三歲。二十一年中央大學土木工程系畢業，曾任湖北堤工局及江漢工程局技士等職。於二十六年充本路幫工程師，任爲六分段段長，於二十八年九月二十八日上午八時，因拆軌事，乘坐搖車，赴株洲，詎料駛至七斗冲附近，適遇敵機轟炸，躲避不及，致炸斷腿部，即日送衡陽仁濟醫院療治，乃因傷勢過重，於翌晨在院斃命，老父在堂，年已七旬，所遺寡妻，年僅三十歲，子女三人，長者五歲，次者三歲，小者在抱，身後亦甚蕭條云。

魯子剛

魯子剛，江西修水人，年三十四，充衛生課武昌醫院工役，派在手術室工作，勤苦耐勞，深得長官信任。二十七年十月二十二日敵機狂炸醫院，不及走避，被炸殉職。

輓

詞

(以收到先後爲序)

抗敵共殷輪丹心遠照洞庭水
旌忠留漢簡浩氣長流衡嶽雲

張發奎

碧血酒風塵前仆後繼衆垂百人粵漢車前拚殉職
黃花餘涕淚生榮死哀同昭千古衡陽江畔痛招魂

前人

當敵寇軍閥凶悍之鋒爛額焦頭石火電光同一瞬
爲國家民族存亡而戰捐軀摩踵虫沙猿鶴亦千秋

李漢魂

登衡嶽賦招魂千秋路史垂芳譽
臨湘江思烈士一派清流有血痕

張嘉璈

三五

北地南天一線通行路是鐵
英雄靈死九泉埋骨土亦香

馬超
謝作民

槍林之下彈雨之中湯火赴身
冒死為求忠職守敵寇未殲
國土未復瘡痍滿目傷心何以慰幽靈

本路警備司令羅梓材

甘苦共數年自慚領導無方幸各具義膽忠肝不惜捐軀報祖國
河山隔萬里聞說追悼有日恨未能素車白馬親陳斗酒薦幽魂

劉志平

險事重交通方冀長才資展布
天容驚浩劫不堪壯志委塵沙

錢宗澤

冒艱險以護交通奮勇堪欽豈讓疆場諸將士
紀功勳而彰忠烈精神不死長留浩氣在人間

延國符

一綳那爲國犧牲自與戰死沙場馬革尸還並足標名烈士
六師團望風潰散即此殲寇湘岳虎威颯舉差堪告慰英靈

本路員工抗敵後援會全體同人

盡職盡忠同欽壯烈

營齋營奠頻弔英靈

本路工會

倭寇太猖狂憑陵百粵肆虐二湘羨諸君挽粟飛芻浴血後先殉正義
懦頭堪起立生命幾時民族千古看吾輩拈花奠酒悲歌相與弔忠魂

湘桂鐵路線區司令部

不貪生不畏死諸君具此精神粵漢光榮垂史冊
有取義有成仁吾輩益當奮勉山河黯淡弔英魂

本路工會廣州分會幹事崔幹秋暨所屬會員

策騎登衡嶽七二峯莽莽中原匈奴未滅家何在
招魂望洞庭八百里茫茫浩劫湘水無情弔豈知

本路運輸處調度所全體同人

當敵機轟炸之時維護交通不偷生不怕死慷慨犧牲愛黨國
值湘北祝捷之際舉行追悼亦悲壯亦光榮殲滅醜虜慰忠魂

湖南第五區 民衆動員指導處

浩氣常存殉職盡忠傳粵漢
精神不死成仁取義壯山河

本路員工抗敵後援會 廣州分會同人

壯志凌雲忠誠貫金石
英名傳宇宙熱血挽山河

中國國民黨粵漢鐵路第六區黨部

報國矢勤勞守職忘身永著忠忱垂竹帛
同舟欽義烈自古有死長留浩氣作山河

衡陽 車站司令汪耕畬

護路拚鐵頭那管炸彈轟轟珠海漢江同不朽
當車逞螻蛄儘教正氣烈烈綠河汨水兩相輝

郴縣機廠廠長石 暖吉暨全廠同人

血債幾時清南瞻粵海北望漢江歲月其悠悠此日會開無限恨
英雄千古在後映綠河前媿汨水精忠垂耿耿他年史記有餘榮

郴縣機廠二廠廠室譚宗衍

國難方殷賴諸君佐理軍輸中道身殉欽偉烈
寇氛未息願吾黨堅持義戰全功力竟慰忠魂

湘桂鐵路特別黨部同人

馬革裹屍還是男兒得意收場君等已成仁粵漢光榮瀾正氣
鵑聲啼血盡痛志士招魂不返我儕須奮鬥山河恢復慰英靈

石志仁 鄒恩元 周善夫 鄭咸亨 劉 曦

欽其勇復欽其忠知有大名垂萬古
死於職猶死於戰絕無遺憾到重泉

蔡可選
曹毓琮

抗戰繫民族生存豈憚捐軀維運轉
血脈有同胞共記終嘗索負慰英魂

何炳星暨綜核課同人

拚却熱血頭顱爭取勝利
誓復神州禹甸以慰幽靈

三民主義青年團湖南支團衡陽分團部

守職捐軀一代忠貞垂宇宙
招魂設奠滿天風雨倍淒涼

浙贛鐵路東段管理委員會

到此地細算通盤死生生死兩分明起起
想當年專致護路存沒沒存無計較爭爭

本路會計處綜核課譚仙盛

黃菊自放三秋象徵民族獨立
碧血同流一絲滙合抗戰洪流

基督教負傷將士服務協會駐湘辦事處同人

忠烈何許之孔曰成仁孟曰取義
蓋棺事論定生則同志死則共榮

本路第五區黨部 郴縣員工子弟學校

留得光榮輝路史
終將勝利慰忠魂

曹興瓊暨出納課同人

血染黃華輝粵漢
魂招夜月滿瀟湘

第九戰區司令長官司令部政治部

爲國捐軀名垂竹帛傳今世更傳今後
招魂墮淚痛切肌膚哭一路並哭一家

本路管理局秘書室同人

倭寇苦相侵轟炸後方堪惋惜
交通資保衛國殤毅魄忍招魂

趙凌霄
周化南

報國孰如諸君均能鞠躬盡瘁死而後已
復仇當在我輩非到寇焰蕩平誓不罷休

第九戰區傷兵管理處第一分處

殉職足堪欽 摧餘鄂北嶺 嶠道路曾流先烈血
英魂如尚在 佇看遼東關 塞日明仍照漢家營

第九戰區二六站總監部

推時代巨輪 扶中華大厦 壯志未酬千秋恨
秉總理遺訓 步先烈血跡 芳名永播萬古欽

本路衡陽車站全體員工

浩氣壯山河 取義成仁 恰是新生條件
勛名留粵漢 捐軀報國 永爲後死楷模

本路新生活部勞動促進會

盡職交通 捨身取義 留得楷模垂百世
効忠黨國 洒血成仁 勒銘青史載千秋

交通部非常時期服務隊第三大隊

君輩爲維護交通 竟在粵漢線區 偉績造成忠烈傳
吾等負同樣職責 敬率浙贛全體 辦香遙奠中華魂

浙贛鐵路工友救後援會

維護交通慷慨捐軀造成偉績
驅除醜虜索償血債還有同人

浙贛路特別黨部

毋求生以害仁職守所關信有英風昭白日
臨大節不可奪後先殉難誓驅醜虜慰忠魂

中國國民黨湖南少工委執行委員會

入世太無情最傷利器殺人頓覺浮生成一夢
大仇終必報佇聽健兒奏凱料應含笑到重泉

本路營業課課長陳灑棠

未銷兵甲天猶醉
能死疆場鬼亦雄

本路營業課全體同人

諸君爲國家奮鬥死亦心甘最堪憐寡妻孤子白髮高堂捨地呼天尋義骨
倭寇逞虎狼淫威慘無人道待幾時掃穴犁庭黃龍直抵復讐雪耻慰忠魂

本路員工抗敵後援會婦女服務團

鐵石其衷松筠其操
粵漢之榮民族之光

漢口新昌印書館

衡嶽秋風悲壤木
瀟湘夜雨泣貞魂

劉鍾明

爲國家民族而犧牲取義成仁君真無憾
是崇德報功之表現傾觴布奠魂兮歸來

本路運輸處全體同人

飛挽夙宣勞况更作國殤永使湖山留偉績
輪迴如可信願都爲壯士再來江海憶同仇

本路運輸處計核課課長李家湖暨全課同人

交通江海資羣力
破碎山河弔國殤

本路運輸處副處長謝震

騰輪影裏夙著賢勞詎教霹靂晴空血痕半化莫宏碧
鑼鼓聲中緬懷英烈悵望關山明月子夜愁聞李白詩

本路運輸處副處長陳鴻賓

碧血洒湖山指點旄頭落日搖愁思壯士
丹心餘涕泗摩拳盾鼻秋風含淚寫哀銘

本路運輸處處長邱鴻勛

奮革命精神爭民族生存作羣衆抗戰前鋒四百兆同胞聞風興起
爲飛挽流汗因禦侮浴血值我軍殲寇湘北九十三烈士夙願以伸

王錫仁
徐其炯
袁其炯

人生無不死公等成仁寒暴敵
莫靈有慧覺羣爲雄鬼擊魔仇

陳愚公 陳宜誠

當年授命艱危報國捐軀究大節
此日開會追悼成仁取義足千秋

衡陽醫院
苗圃診療所

精神不死
浩氣常存

本路特別黨部第一區六分部全體黨員

廣瀚石以褒忠名留衡嶽垂芳譽
當艱危而授命功與沙場戰死同

本路總務處文書課全體同人

大家都是患難中人拚生死爭存亡賣國狐羣對之有愧
今日莫問太平後事從交涌効忠烈墓尸馬革何以加茲

本路總務處全體同人

職不同而危難殉職則同路史別增忠烈傳
君雖死以精神論君未死薤歌應作鼓鼙聲

許瑞葵
區家傑

億萬兆衆終始同仇矢公爾忘身登君山七二峯招魂何處
九十三人後先殉職料沒而猶視潮洞庭八百里流浪無窮

本路總務處事務課同人

取義成仁增光日月
頌廉立懦振肅綱維

本路第一區黨部

洞庭湖畔五嶺山前努力効馳驅正喜羽書傳捷報
刁斗聲中重陽節近傷心罹浩劫那堪風雨泣同舟

廣州臨時辦事處
駐廣探辦室同人

殉難有餘哀懋績贏將傳路史
悼亡無別物長歌聊以弔忠魂

本路第四區黨部

服務效愚忠那計及當時險阻
捐軀成偉績纔博得此日榮哀

本路員工抗敵後援會衡陽分會

弔河山風景不殊看粵北漢南長存勁節
慨路綫桑滄幾變對笛聲輪影同奠忠魂

李可鎮

四七

當仁不讓見義勇為從此英名留粵漢
壯志未酬忠魂尚在相將勁旅搗東京

本路員工抗敵後援會廣州分會戰時服務團

公等為國家民族壯烈犧牲留得勳名彪史冊
吾曹本正義和平繼續奮鬥爭取勝利慰英靈

本路防空辦事處同人

辦公私明節義克盡厥職殺身成仁堪與沙塲健兒馬革裹屍同不朽
曉利害輕死生緊急關頭臨難不苟雖非勳功偉業史冊標名亦何慚

本路工務第七分段全體員工

抗戰勝利端賴同德同心共赴時難挺身奮鬥殺得他西竄東逃方不負淥口橋頭七斗冲前一筆
血債
建國成功必須克勤克儉各守崗位苦志堅勞恢復我南轅北轍才算是粵漢路上三湘河畔大把
精神

本路工務第七分段同人

與沙塲共抗同難大節
有踏史長留不朽芳名

本路總務處衛生課同人

抗戰廿八月不勝不已
死難九三人亦壯亦忠

爲國捐軀炳焉勛名垂簡冊
復仇雪恨浩然正氣壯河山

碧血染維輪路史從今著偉績
赤忱抗暴日職工此後奉遺規

誓竭忠誠報黨國
長留鐵血奠河山

諸公爲救國捐軀名垂宇宙
同人應臥薪嘗胆誓掃腥羶

本路運輸第五段同人

本路工務第七分段

本路職工教育委員會全體同人

本路職工教育委員會衡陽站職工閱讀處同人

陳延炯

四九

護路共捐軀粵海漢江長留碧血
臨風齊下淚秀峯灘水送奠丹忱

本路駐桂保管室

新愁舊恨听夕難忘看海日曠曠欲駕長鯨吞富十
雪恥復仇死生無間願英靈浩蕩莫教胡馬度陰山

本路運輸處電信課

痛謫公慷慨捐生芻糈奠英靈永留抗敵無窮恨
膾我輩籌謀善後簡書頻儀恤聊盡同寅未了緣
殉職爲交通九十三人完亮節
平倭重建設一千里路慰英靈

本路總務處人事課

報國不辭流碧血
招魂凄切悼黃花

陳悅韶

本路工會岳陽分會

抗戰聲中幾許英雄殉壯烈
紀功史上統教勛績享芬芳

本路工會徐家棚分會

爲國竟捐軀等是成仁奚必荷戈方算壯
何時能雪恨同茲敵愾更無餘地可言和

本路綜核課駐桂簿記股

抗戰未完成年來盡瘁宣勤幸爾精忠能報國
英名垂不朽身後更邀榮卹勝他老死了餘生

本路運輸處運輸課長胡克明

誓竭忠誠盡職守
長留正氣炳人寰

本路綜核課駐桂帳料股

在粵漢綫報國捐軀取義成仁博得大名垂後世
湘江贛間殺敵致果落花流水謹將勝利慰英靈

本路工會石圍塘分會

登衡嶽峯頭俯瞰萬里長途點鐵輕塵凝熱血
過瀟湘江畔追懷羣賢殉職香花清酒賦招魂

本路第二區黨部

浩氣常存猶生之日
頑寇未滅後死者羞

本路員工抗敵後援會

蒼茫沿路收忠骨
黯淡中原弔國殤

本路第三區黨部

敵愾同仇此日黃土埋義骨
抗戰必勝他年青史慰忠魂

本路郴州株州診療所

死便留名死亦何憾
生不殺賊生將奚爲

本路樂昌曲江診療所

糜頂捐軀壯懷直欲凌霄漢
竭忠盡瘁英魂猶自護懸輪

蔣錫歐

抗敵逾兩年勁旅轉輸披難衝繁資協濟
成仁在頃刻忠魂常在鞠躬盡瘁樹風聲

楊承訓

交通事業崇前烈
衛國精神式後賢

軍委會運輸副總司令陸福廷

身與交通同破碎
心存家國痛犧牲

運輸總司令部運輸處
副處長劉傳書

忠肝義膽築起抗戰堡壘
碧血白骨完成勝利光榮

運輸總司令部衡陽辦事處全體同人

墮地蒸雷轟爭作國殤齊憤慨
前途方抗日不教軍運阻交通

奮志成仁追往昔
舍生衛路式先型

馬革等隨軍千里招魂情倍惻
蝦夷今捲甲九泉含笑日應暝

浩氣貫長虹捨身成仁青史形標留偉蹟
犧牲欽壯烈同仇敵愾黃花碧血悵招魂

抗敵護交通守職殉身烈士英名長不朽
摧強嚴戰陣深謀遠慮中樞偉畫允成功

運輸總司令部總務處
副處長沈壽常

運輸總司令部全體同人

運輸總司令部工務處
副處長夏全綬

粵漢線區司令周武彝

本路綫區副司令牛月村

靈均有知佑同仁雪恨復仇汨江擊破何奴膽
壯繆再世爲民族除邪滌穢巴陵斬斷大和魂

運輸總司令部參議謝聲然

飛芻輓粟助軍威何期血肉橫飛一路同人齊雪涕
效覆展輪紓國難佇看豺狼絕迹千秋青史紀丹忱

本路線區司令部總務處長劉崢麟

妖氛壓境風雨同舟搶險利軍輸從來知耻近乎勇
頑寇橫行河山變色攘夷流血跡幾見成仁不殺身

本路線區司令部參謀長張定世

爲國被犧牲孔曰成仁孟云取義
招魂期普遍北窮漢水南盡珠江

曲江車站司令辦公處全體同人

殺身成仁粵漢捐軀留正氣
斬將擐旗贛湘破敵慰忠魂

軍事運輸軍法執行監部西南辦事處處長危成一

殉職報國永垂青史著忠烈
成仁取義長流碧血照人寰

軍事運輸軍法執行監部西南辦事處全體同人

生具赤誠爲爭大道之行粉骨糜身都不惜
死無遺憾直到千秋而後英名偉績總常存

湖南財政廳

挽粟飛芻旣成功復成仁不媿後方稱戰士
素車白馬頑夫廉懦夫立行看全路悼忠魂

朱經農

護路共捐軀鄂渚羊城遺恨期當一洗
臨風遙隕涕青林黑塞招魂痛絕三號

廣西省政府財政廳

夷氛瀰漫報國捐軀秉此精神終屬我民族勝利
彈雨紛飛碎身粉骨緬茲忠烈何懼彼倭寇瘋狂

湘桂鐵路衡桂段全體員工

烽火逼湘江報國身先強虜未滅終有恨
英名垂路史成仁志遂精神不死應無漸

建國成仁媲美七二烈士
舍生取義同欽九三英雄

成仁取義氣壯山河百二
馨香俎豆痛弔英雄九三

軌道血殷紅招魂遙望綠江冷
中原寇方熾報捷先傳湘水清

殉職盡忠死也莫忘失地痛
有我無敵誓成不共戴天仇

黔桂鐵路衡陽轉運所

大剛報社長毛健吾

正中日報

粵漢線區司令部全體官佐

本路衡陽工分會

五七

先烈洒碧血於粵漢長途以抗敵
後人指白水為宏誓大願而誅仇

曲江車站司令李蔭棠

高射奮雄威機沉已授匈奴首
順流揮勁旅敵潰應安烈士心

余瘦儂

職務即是戰場念諸君壯烈捐軀何異虎賁同報國
隲迹交於中夏儻沒世英靈不昧莫教螳臂更當車

史 銘 梁澄楷

克忠厥職而使輸軍挽粟無愆想中樞追紀戰功定是光昭往史
服務後方竟有斷脰陷胸之慘縱他日饑饉虜肉猶難雪此深讐

駐路警察署 署 長史 銘
副署長梁澄楷 暨全體官兵員警

當情報電掣雪飛血汗斑斑心神激憤寇氛處處羽檄交馳燈火徹深宵傳警驚耗傷我類
念其時雷轟星殞聲名赫赫存歿哀榮功蹟昭昭楷模足式馨香銜苦淚居安尸位愧君靈

本路機要室全體同人

熱心國難不貪生不畏死大丈夫真無愧矣
失足倭奴能裕後能光前士君子復何言哉

扶時代巨輪爲平等自由拚骨骸功高百世
挽民族厄運賴抗戰建國折元良恨遺千秋

慷慨捐軀看億萬里河山長留正氣
哀榮時代集三十年僚友同弔英靈

殉難有餘哀懋績贏將傳路史
交通一線路同仁誓雪戴天仇

守戰勇捐軀痛悼國瘍嗚咽湘波都慷慨
轉輸慚絃輓仰懷忠烈彌綸衛嶽撐青空

本路工務第六分段全體員工

交通部立溝口扶輪小學校全體師生

本路警察署第三分段全體官警

本路第一區黨部全體同志

株洲車站司令辦公處同人

護路殉職報國盡忠浩氣貫長虹千里山河奮俠血
治事矢勤臨難有勇大名垂簡史滿天風雨弔英魂

本路工務第二段同人

兩年抗戰艱辛公等為國犧牲名垂史冊
今日追懷袍澤吾儕集團祭奠淚濕衣襟

本路工務處長李國均

諸烈為國捐軀增加抗戰力量
吾儕繼續奮鬥打倒侵略方休

本路第一區黨部七分部同人

為國盡忠犧牲小我
集團致敬追悼先賢

本路設計課同人

為路捐軀允稱烈士
立志雪恥當在後人

本路工務第二分段段長張勛基

慷慨捐軀留將英名垂國史
同心殲寇憑將勝利慰忠魂

運輸第三段全體同人

是皆百夫物千人英捨生守職浩氣長存如日星在天河嶽在地
同此七尺軀一腔血繼軌前驅後死努力使抗戰必勝建國必成

株州車站司令游飛

爲救國先鋒慷慨捐生一路招魂懷前烈
負抗敵後援軍民合作三湘殺賊復深仇

本路抗敵後援會長沙分會

瘁力利軍輸矢勇矢勤完成本路抗戰期間非常使命
捐軀殉黨國其忠其烈應與前線犧牲將士永享馨香

粵漢綫區郴州車站司令周敬文暨全體員兵

懷民族於危亡何惜粉骨碎身只圖護我交通以維國計抱定犧牲精神眞所謂驚天地泣鬼神以
寒敵膽

憤倭寇之殘酷不禁裂眦切齒誓必殲彼醜類而復民仇堅持勝利信念方足以與國家固疆宇而
慰英魂

本路工事課同人

拚將碧血護交通似此死重泰山長存浩氣
謹以赤忱悼忠烈尙乞魂歸衡嶽永享馨香

本路工務處副處長詹文琮

血痕瀉粵漢西東嶽仰秋高紅樹有知應潸淚
浩氣滿楚天南北湘江膽月冷綠波無恙亦傷情

本路防空護路大隊長王瀨鼎暨全體官佐士兵

臨難無苟免四百兆民族精神涵育有年值茲外夷憑陵一死應堪視賊魄
盡職始爲忠兩千里交通幹綫犧牲多士聞道我軍大捷九泉庶可慰英靈

本路第三區黨部

是血性男兒應請買山埋俠骨
正瀟湘風雨那堪携酒弔重陽

本路產業課全人江楫等

二千里南朔棣通艱苦不辭挽粟飛芻欽卓越
九三人後先蒙難英靈如在雲車風馬望歸來

本路會計處檢查課同人

殉職成仁留得豐碑標五嶺
嚮風慕義不堪揮涕過淶河

繼承先烈精神完成抗戰責任
犧牲個人生命爭取民族自由

本路工務第五分段

袁葆申 謝有熙 孫寶融
朱承楠 周傳繩 李雲樵
蔡雄倫 彭永清

秋風秋雨同奠國殤但願英靈庇護早占勝利
雪仇雪耻誓滅倭寇永懷先烈忠蓋不辭犧牲

本路運輸處機工課同人

旂常俎豆千秋事
猿鶴蟲沙萬劫哀

汪啓發 池敬炳

諸君爲家國捐軀既增民族光榮自堪立懦
我輩均交通任職待把倭奴殲滅告慰英靈

中央電台 秦雅彤
高志欽

羨諸君拚把血肉犧牲寒彼敵胆
願同志誓將倭奴掃盡慰我忠魂

廣東民政廳長何 彤

取義成仁浩氣著千秋慟惜忠貞增敵愾
金風掃葉捷聲傳大地與憑勝利慰英魂

湖南民政廳長陶履謙

上日纔聚首話及梓里淪亡立志誓除彼賊寇
今朝忽永訣傳來故人殉職傷心頓失此英才

崇教吾兄千古

陳偉美
梁佩仕
陳獻能
鄉愚弟

烽煙遍地護路多艱正期大智大仁同舟共濟
霹靂震天長才齋志對此秋風秋雨望奠與悲

崇教吾兄千古

弟梅 福 強

敵機狂轟值此勢迫時窮督率員工猶努力
同寅哀悼論到人物在追維曩昔倍傷心

崇教段長冥鑒

弟 廖 保 魁

爲國效駢驅奔走不遑惜君禍生肘腋
與君同舟楫生死永訣令人憤滿胸懷

崇教段長殉難紀念

弟李孟暹

敵機臨頭轟炸正烈且修道督工以殉國難
破片傷足負創良深才送院醫治遽赴仙鄉

崇教段長千古

本路工務第六分段全體員工

念君等忠義爲懷維護交通慘遭敵機狂炸粉身碎骨取義成仁共不朽
哀哲嗣命途多舛流亡異地不幸天倫見背呼天搶地椎心泣血恨無窮

嚴君崇教 孟君繼貴
王君洪淇 張君大生

孫君奉山等殉職九十三烈士千古

本路運輸第二段同人

游擊區破壞交通慷慨捐生五子參加烈士座
粵漢線盡忠職守從容就義羣賢喚醒國人魂

蕭俊 任有信
曹文華 劉鳳元
王德定暨諸烈士千古

本路特別黨部調查室

爲

國

犧

牲

本路工務第八分段同人敬輓

時文通粵漢川原長借維
發擇技術才量炎黃苗裔永薦馨香

廣西省建設廳陳 維

民族革命先驅

廣西省政府教育廳

運新穎勤勞不幸為國捐軀學漢道中百傳噴
塵氣方須洞尤冀希風殺敵衛陽江岸卷英魂

廣西省臨時參議會

傳漢苦奔馳櫻絲祀編千秋烈
萬言論勳業給食翰軍萬世功

明南省臨時參議會

78

272038

BC

20.6